



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Basilicae S. Mariae. Maioris De. Vrbe A. Liberio. Papa. I.  
Vsque Ad. Pavlvn. V. Pont. Max Descriptio. Et. Delineatio**

**Angelis, Paolo de**

**Roma, 1621**

Cap. VIII. De Sacellis, quae in praesentia in S. Maria maiore consistunt vnà  
cum fundatoribus.

**urn:nbn:de:hbz:466:1-13873**

partita scala cernitur, ipsum Altare includens, illustri Ciborio ex marmoribus fabricato coopertum, & varijs historijs magna ex parte inaurato; nec non quatuor porphyreticis columnis innixo. Super hoc Altare sancti Matthiae Apostolo dicatum, Maior naus arcus se attollit, illam à Choro diuidens, in cuius facie musium opus resplendet, & diuersas historias effingit ex Genesi depromptas. in arcus capite Sixti Tertij nomen legitur. A dextra maioris Altaris nauis, dum in Chorum ingredimur, organum se ostentat, sub quo musicae Chorus asseruatur. Ad rectum angulum alter Chorus super Nicolai Quarti sepulchrum adest, ex pario marmore vnà cum statuis exculptum. Postquam Altare transiuimus, prisca Crux se offert, quæ medium Chorum intersecat, adhuc Clero inferuentem; in cuius fornice quatuor Euangelistæ, vnà cum quatuor Doctoribus egregiè delineatis cernuntur. Hac ad Tribunam accedemus, hisce picturis adiunctam, & prisca, ac pulcherrimo musio, vnà cum historijs ad Virginem spectantibus insignem.

Quia verò in fine libri non solum de his, sed etiam de Auctore trademus, in præfenti dimittatur.

Maioris nauis pauimentum, vnà cum reliquo Basilicæ, varijs marmoribus intertextum cernimus. Techi Tabulatum est auro artificiosè distributo compactum, quod ad visum pulcherrimè se offert. utrequæ Basilicæ minores naues concamerato opere cernuntur.

Nicolai Quarti  
Sepulchrum ex  
pario marmore  
exculptum.



## DE SACELLIS,

QUAE IN PRAESENTIA

*In sancta Maria Maiore consistunt,  
vnà cum fundatoribus.*

## Caput VIII.



**A** D HVC de Sacellis attingamus, quæ in vtrisque minoribus nauibus hac tempestate reperiuntur, vnà cum ipsorum Auctoris. Ac vt à dextro latere ordiamur, sancti Francisci sacellum est situm, & quidem, velut ex Archiuio, ad Capizucchos iurepatronatus spectans, olim sancto Bernardino dicatum. Hinc ad Sacrifiæ, & gloriose Virginis Sacellum peruenimus, à Paulo Quinto Pontifice Maximo à fundamentis erectum: in cuius ingressu à dextro latere sancti Caroli Borromæi Ædicula occurrit: à sinistro autem illa sanctæ Franciscæ Romanæ. Nos nihil de Pauli Quinti Sacello hic attingemus, sed velut maiorem laborem poscente, ad librum Vndecimum remittimus. Ergo in eadem Naui Assumptionis Sacellum inest per Guidonem Ascanium Sfortiam Cardinalem ex Michaeli Angeli Bonarotæ modulo inchoatum, vt apparet.

**D** GVIDO ASCANIVS SFORTIA DI-  
CONVS CARDINALIS S. FLORAE,  
S. R. E. CAMERARIVS HVIVS BASILICAE ARCHIPRESBYTER SACELLVM HOC PIETATIS SVAE MONVMENTVM A SE DVM VIVERET INCHOATVM MORIENS LEGATA HEREDIBVS PECVNIA ABSOLVI TESTAMENTO IVSSIT. ANNO M. D LXVI.

Deinde ab Alexandro Cardinali Sfortia absolutum, velut his verbis deprehenditur.

**E** ALEXANDER SFORTIA SANCTÆ ROMANÆ ECCLESIAE PRESBYTER CARDINALIS, HVIVS BASILICAE ARCHIPRESBYTER SACELLVM A GVIDONE ASCANIO FRATRE INCHOATVM, DE SVO PERFECIT, DIVISQVE FLORAE ET LVCILLAE GENTIS SVAE PATRONIS A SE DICATVM BONIS AD SACRA FACIENDA AVXIT ORNAVITQVE ANNO M. D LXXII.

Intra

Intra id Sacellum sepulchra, atque Epitaphia Vidi Afcanij Sfortiæ, & Alexandri Cardinalium legimus, de quibus suo loco libro nono.

Eodem ordine ædícula occurrit Sancti Leoni Papæ dicata, vel potius Deiparæ, vbi olim Porta regina extitit. Sic enim in manuscripto: *Altare dextræ nauis est Imago Beatæ Mariæ Virginis supra Portam, quæ appellatur Regina; hæc Leoni Papæ manum restituit: ornamento istius Cardinalis Ferrerius Sacellum*

*construit. Et in libro Rationalis diuinorum: Hæc etiam veneranda Imago apparuit Domino Petro de Columna Cardinali, in mare periclitanti, dum Auenionem pergeret, & sibi, ac suis omnibus salutem attulit. Hoc cum aliunde veraciter constet, apparet etiam ex pictura adhuc extante in vna ex columnis Ecclesiæ sanctæ Mariæ Maioris ante Portam, quæ appellatur Porta regina, ex eo, quia eadem imago appellatur Regina. supra eam consueuerat, &c. Et innominati manuscriptum sic indicat: Hæc gloriosa Imago Petro Columnæ Cardinali Legato in Galliam proficiscenti, ac in medio mari periclitanti apparuit, à periculo eruens, sedauit tempestatem. Et credunt constructam, atque à Cardinali Ferrerio dotatam, vt in Bulla dotationis Sixti Quinti pro vno Sacerdote in Archiuio seruata.*

Haud procul ab hac Sacellum apparet à Federico Cæsio Cardinali conditum, & Diuæ Catherinæ dicatum. Antequam verò hic Cardinalis fabricaret, erat antiquum Sacellum à Paulo Cardinali Cæsio, pro quatuor Sacerdotibus dotatum: sic enim legimus: *Paulus sancti Eustachij Diaconus Cardinalis de Cæsis testamento reliquit Cappella sanctæ Catharinæ in Ecclesia sanctæ Mariæ Maioris existenti vnum Casale Pretella nuncupatum, cuius fructus ascendunt ad scuta annua ducenta, vt ij diuidantur inter quatuor Cappellanos perpetuos, qui duas Missas quotidie in dicta Cappella celebrent pro ipsius anima, suorumque parentum, reseruauique ius patronatus, & præsentationis familie sue de anno.*

Quid verò de Federico Cæsio ex Archiuio colligatur, sic breuiter apparet: *Federicus Episcopus Portuensis, Cardinalis de Cæsis Cappellam sanctæ Catharinæ à fundamentis extruxit, & attribuit ei loca viginti montis farinæ, & vna cum prædictis quatuor Cappellanis, sex omnino Cappellanos perpetuos instituit eodem modo, quo Paulus Cardinalis instituerat de anno ..... Et in Epitaphio idem adest.*

FEDERICO CAESIO S. R. E. EPISCOPO CARDINALI PORTVENSIS, QVI IN HOC SACELLVM, ET ALTERVM IN AEDE BEATAE MARIÆ PACIS AC TEMPLVM DIVAE CATHARINAE VIRGINVM MISERABILIVM FVNDAVIT ET DOTAVIT ANGELVS CAESIVS PAT. POS. VIXIT ANN. LXIV. MENS. VI. DIES XVII. OBIT QVINTO KALENDAS FEBRVARIII.

ANNO SALVTIS  
M. D L X V.

Eadem Naui sacrum ostium occurrit, apud quod priscum Altare vnà cum Ciborio aderat Virginis Annunciationi dicatum; nimirum vnum ex ijs, quæ à familia Columnensi condita indicauimus, velut in manuscripto: *Nicolaus Quartus iacebat in terra propè portam minorem à latere Tribune, in hoc loco non erat Porta, sed Sacellum Dominorum Columnensium, sicut & in alijs tribus angulis Basilicæ, vt superius in libro quarto dictum est. sed nouiter erectum, atque dotatum à Iulia Columna. Hac ad maiorem nauim tendimus, & in notatis Ianuis interiori facie, vbi olim Sixti Tertij carmina legebantur, hodie Clementis Octaui insignia cernuntur, sub quibus illa Dominici Cardinalis Pinelli videmus cum hac inscriptione.*

DOMINICVS SANCTÆ ROMANÆ ECCLESIAE CARDINALIS PINELLVS ARCHIPRESBYTER ORNAVIT.

ANNO DOMINI  
M. D XCIII.

Hinc ad alteram minorem nauim pergitur; in cuius extremo, Turris campanarum cernitur: & in eius muro parua, sed pulcherrima ædícula sanctæ Mariæ niuis dicata, ex marmoribus magnificè distinctis à Siluero Patriitio ex Patriitij patris mandato constructa; & ex vno latere Ioannis Patriitij sepulchro adherens, qui Basilicam fundauit. Hæc ædícula est patronatus Patriitorum familie, ab ijs pro vno Sacerdote dotata.

A dextro latere huius in lidio lapide auro exornata hæc inscriptio legitur.

G D. O. M.

15.  
Beatiſſime  
Virginis  
Imago  
cuius  
ſingulari  
beneficio  
Leoni  
manus  
eſt reſti-  
tuta.

6. par. ſub riuo.  
de Offic. aſſ. in  
die Paſche vbi  
de nouallis mi-  
raculis Beatiſ-  
ſime Virginis.  
Eiſdem Im-  
aginis beneficio  
Petrus Cardin.  
Columna dum  
genitrix in mari  
periclitaretur,  
cauſis incolu-  
mna.

Cæſorum Sa-  
cellum S. Ca-  
tharinæ dicatū.

Dominici Pinelli  
Cardinalis in-  
ſignia vna cau-  
eſt.

20.  
22.


23.

D. O. M.

PATRITIO DE PATRITIIS, QVI  
TERTIO ET SEXAGESIMO ANNO  
MORTEM OBIIT. DVM VIXIT  
SACELLVM HOC IN HONOREM  
BEATAE VIRGINIS ERIGI, ORNA-  
RI, AC DOTARI VOLVIT.

SOLDERIVS PATRITIVS CVNCTA  
DILIGENTISSIME EXECVTVS P.  
ANNO M. DC XI.


Ex qua parte ad Sacristia fores peruenitur,  
cuius faciem hic apponimus.



In in-



INTERIOR SACRI VESTIARII FACIES A PAVLO V. PONT. MAX. A FVNDAMENTIS EXTRVCTI QVA  
 EX IPSA BASILICA ADITVR



76      BASILICAE S. MARIAE MAIORIS

In ingressu ex Basilicæ parte, Pauli Quinti Pontificis effigies sedens ex ære cernitur Pontificalibus vestimentis, populum benedicens, quam Capitulum beneficiorum, & gratiæ memor faciendam curavit, sicut ex ibidem annotatis patet: & nos figuram hic apponimus.



Sacrum



Sacrum hoc vestiarium, atque adeo aedes pro Canonicis, & alijs Ministris à Paulo Quinto Pontifice Maximo aedificatae, & eisdem Basilicæ donatae, velut ex Bulla deprehenditur, his verbis: *Paulus, &c. Dum praeclata meritorum insignia, quibus Regina Caelorum Virgo Dei genitrix gloriosa sedibus praelata cedereis, quasi stella matutina praeutilat, deuote considerationis indagine perscrutamur: Et dum intra pectoris arcana reuoluimus, quod ipsa, & potè misericordiae mater, & gratiae, ac pietatis amica humani generis consolatrix pro salute fidelium sedula oratrix, & peruigil apud Regem, quem genuit, intercedit: Nobis semper summè cordi fuit, nè dum ad ea, per quae Ecclesiarum, & locorum in honorem sui nominis dedicatarum ornamento, & decori, verum etiam personarum in Ecclesijs, & locis ipsis diuino cultui mancipatarum, Ecclesiasticisq; ministerijs, ut ipsius Virginis laudibus assidue insistentium commoditatibus in primis attendere, ac in ijs operum, & operam nostras, liberalitatisq; effectum magis specialem largiter intendere. Sane cum nuper, immò iam tum ab initio huius summi Pontificatus, ad cuius regimen, & onus nos, licet insufficientia nostra id penitus recusaret, diuina voluit assumere prouidentia, ad Ecclesiam Beatae Mariae Maioris de Vrbe, huiusmodi titulo, ob illius inter alias similes tituli Ecclesias eminentiam non immerito insignitam, alicuius noui operis adstructione ornandam animum applicuissimus: Tandem opus aggressi, demolita veteri sacristia dicte Ecclesiae è conspectu Cappellae sanctissimi Praesepij Christi, dudum à fel. recor. Sixto Papa Quinto, praedecessori nostro inibi opere magnifico constructae, ac ad illius instar unam aliam Cappellam sumptuosa structura, notabilisq; impensa fabricari, eamque de presenti ad eius fastigium, penè extolli curauimus. Interim verò nè Ecclesia ipsa, in qua alias tunc in minoribus constituti per spatium quatuordecim annorum circiter Vicarij munus obtinimus, & quam, ac dilectos filios eius Capitulum singulari affectu prosequimur, ex demolitione veteris sacristiae huiusmodi aliquod dispendium sustineret, providere, ac etiam commoditatibus eorundem Capituli satagentes à pede, & porticu iusdem Ecclesiae, locoq; ad id apto aliam fabricam exorsi, eam iuxta latum sinistrum dicte Ecclesiae usque ad Sixtinam Cappellam firmè porrexiimus, & in ea unam Cappellam pro diuinis officijs inibi celebrandis, duasque sacristias, ac duas Cameras, & Stancias, nec non pennaria, haecque loca, & pertinentias Archivio construenda, atque habitationi dilectorum filiorum Canonum, & Ministrorum ipsius Ecclesiae accommodanda, nostro are construi,*


*Vide S. Bernard. de Virg. laudib. ser. 2. aduentus in ser. 7. de verb. Apoc. 12. & in natiuit. B. Mariae Cant. 2. & in quo explicat an tiphonam Saluae reginae.*

*& penitus absolui curauimus. Cupientes igitur, ut praedicti Capitulum huiusmodi fabricae, prout illa Ecclesiae splendori, & ornamento, nec non Canonicorum eorundem commoditati à nobis extructa fuit, quietè, & pacificè, & absque aliqua perturbationis molestia ad illorum arbitrium perpetuò vti, frui, potiri, & gaudere queant, opportunè providere, ipsorumque Capituli singulares personas à quibusuis excommunicationis, &c. Motu proprio non ad eorundem Capituli, vel alterius pro ipsis nobis desuper oblatae petitionis instantiam, sed ex certa scientia, deq; mera liberalitate nostris, eandem fabricam sic constructam, & absolutam cum omnibus, & singulis illius Cappellis, Sacristijs, cameris, Stantijs, alijsq; praemis per dilectum filium nostrum Scipionem tit. sancti Grysgoni, Presbyterum Cardinalem Burghesium nuncupatum, nostrum secundum carnem ex sorore nostra germana nepotem faciendam distributionem, & assignationem perpetuò duraturam; postquam dicta distributio facta fuerit, usq; & habitatione habere, possidere, & retinere ex tunc, & in posterum quocumque Camere, & alia loca Canonicis hac prima voce assignanda huiusmodi quouis modo vacare contigerit, Canonici tunc existentes dicte Ecclesiae, iuxta eorum antianitatem illas optare, & prout alias domos Canonicales obtinent, habere, ac obtinere, & per se ipsos, non autem inquilinos inhabitare, aut alijs commodare liberè, & licitè valeant: Apostolica auctoritate, ac de Apostolica potestatis plenitudine, tenore praesentium perpetuò donamus, concedimus, & liberè elargimur, eisq; seu eorum singulorum Canonicatibus, & praebendis dicte Ecclesiae perpetuò adijcimus, & appropriamus. Inhibentes dilectis filijs modernis, & pro tempore futuris dicte Camerae Camerario, Praesidentibus, Thesaurario, Clericis, caterisq; officialibus, ne praemis occasione praedictos Capitulum super libera dicte fabricae eis sic donata possessione, & fruitione molestare, perturbare, aut inquietare, seu attentio, quod nos in eadem fabrica donata magnam pecuniarum summam exposuimus, quicquam ab ipsis Capitulo, & Canonicis petere, aut postulare quoquomodo audeant, seu praesumant. Ac decerentes praesentes literas quauis causa, etiam ex eo, quod in praemis interesse habentes ad hoc uocati non fuerim, de subreptionis, vel obreptionis, aut nullitatis vitio, seu intentionis nostrae, aut quopiam alio defectu notari, impugnari, inuaidari, aut in ius, vel controuersia vocari, aut aduersus illas quocumque iuris gratiae, vel facti remedium impetrari, nullatenus unquam posse, neque sub quibusuis similibus, vel dissimilibus gratiarum etiam effectum non sortitarum reuocationibus, suspensionibus,*



sonibus, limitationibus, modificationibus, aut alijs contrarijs dispositionibus, quamuis etiã Apostolica auctoritate, etiam per nos, & successores nostros Romanos Pontifices pro tempore existentes ad sedem predictam ex quavis etiam urgenti, et necessaria causa, etiam motu simili, etiam consistorialiter in genere, vel in specie, ac alias quomodolibet factis, & emanatis comprehendendi, sed semper ab illis exceptas, & quoties illa emanabunt, toties in pristinum, & validissimum statum restitutas, repositas, & plenarie reintegratas, ac denud etiam sub quavis posteriori data per dictos Capitulum quandocumque eligenda & concessas, easq; nec non donationem, concessionem, & elargitionem predictas semper validas, & efficaces esse, & fore, ac suos plenarios, & integros effectus sortiri, & obtinere. Sicq; per quoscumque Iudices, & c. Sublata eis, & eorum cuilibet, quavis aliter iudicandi, & interpretandi facultate, & auctoritate iudicari, & desiniri debere; ac irritum, & inane si secus super his à quoquam quavis auctoritate scienter, vel ignoranter contigerit attentari. Quocirca Vener. fratri nostro Episcopo Casenaten. & dilectis filijs Curie causarum Camere Apostolicæ generali Auditori, ac Preceptori Hospitalis sancti Spiritus in Saxia de Vrbe motu simili per Apost. scripta mandamus, quatenus, & c. presentes litteras, & in eis contenta huiusmodi, ubi, & quando opus fuerit, ac quoties pro parte Capituli predictorum, & aliorum, quos eadem presentes littere concernunt, & concernent in futurum, fuerunt requisiti, solemniter publicantes, eisq; in præmissis efficacis defensionis præsidio

assistentes, faciant auctoritate nostra ipsas presentes, & in eis contenta predicta firmiter observari, non permittentes eos desuper per quoscumq; indebitè molestari. Contradictores, & c. per sententias, censuras, & c. compescendo, inuocato etiam ad hoc si opus fuerit, auxilio brachij secularis. Non obstantibus pie mem. Bonifatij Pape Octavi etiam prædecessoris nostri, qua cauetur expressè, ne quis extra suam Civit. vel Dioc. nisi in certis tunc expressis casibus, & in illis ultra unã dietam à fine sue Dioc. ad iudicium evocetur, seu nè Iudices à sede predicta deputati extra Civit. vel Dioc. in quibus deputati fuerint contra quoscumque procedere, aut alijs vices suas committere audeant, seu præsumant; & in Concilio generali edita de duabus dietis, dummodo ultra tres dietas aliquis auctoritate earundem presentium ad iudicium non trahatur: ac re. me. Symmachi, & Pauli Secundi, & Pauli Quarti, de rebus Ecclesie, non alienandis, nec non Pij etiam Quarti Rom. Pont. similiter prædecessorum nostrorum, de registrandis constitutionibus, & c. ac Ecclesie, & Vrbs predictarum iuramento, confirmatione Apostolica, vel quavis firmitate alia roboratis statutis, consuetudinibus, priuilegijs quoque, indultis, & litteris Apostolicis, & c. Quibus omnibus, & c. hac vice duntaxat motu, & potestatis plenitudine paribus specialiter, & expressè derogamus, & c. Datum Romæ apud sanctum Petrum, Anno Incarnationis Dominicæ millesimo sexcentesimo decimo, nonis Nouembr. Pontificatus nostri, anno sexto.




Hinc

SACRARIJ QVOD AD SANCTÆ MARIÆ MAIORIS,  
PAVLVS V PONT MAX

MAGNIFICO AC PERELEGANTI OPERE EXTRVXIT ORNAVITQVE SVPER  
STRUCTIS AD CANONICORVM VARIOS VSVS PEROPPORTVNIS ÆDIBVS  
ORTHOGRAPHIA INTERIOR.

IN DVAS IN LONGITVDINEM PARTES DIVISA,  
PARS SINISTRA QVÆ BASILICAM IPSAM ET MERIDIEM RESPICIT CVM CHO-  
RO DIMIDIATA PARTE PAVIMENTI ET IMPOSITORVM CONCLAVIVM IMA-  
GINE.




*Scala palmor. X. in linea dimissionum.*

*Scala palmor. X. in linea anteriori.*

PARS INTRANTI  
TOS ET SEPTENTRI  
RE AC PARTE ALTE  
TA

DEXTERA QVÆ PERETTINOS HOR-<sup>81</sup>  
ONEM SPECTAT CVM CAMPANARIA TVR-  
RA PAVIMENTI ET ÆDIVM SVPERPOSI-  
RVM FIGVRA .



*Scala palmor, X in linea diminutionum.*

*Scala palmor, X in linea anteriori*

Hinc ad Cardinalis Rothomagensis Sa-  
cellum tendimus, olim S. Michaelis nomine

26. appellatum. *Guilielmus Estouteville Cardina-*

*lis Rothomagensis de anno 1483. in hac Basili-*  
*ca Cappellam fundavit, ornavit, dotavitque. Se-*

quitur postea Societatis Confalonis Sacellum  
de quo superius meminimus, & etiam hodie

idem nomen retinet. Eodem ordine Sixti

31. Quinti Sacellum refulget sanctissimo Præse-  
pio dicatum. Quia verò libro decimo per-

agemus, nihil in præfenti tradetur. Prope  
minorem ianuam à sinistro Tribunæ latere

in minori naui vetus adest Altare, olim san-  
ctæ Luciae dicatum.

34. In Naui maiori duo Altaria cernuntur  
etiam cum veteribus Ciborijs. Quia verò

restaurata apparent, ideò nonnihil memini-

mus, quamvis cum antiquis descripserimus.

Igitur illud quod ad dextrum maioris Alta-

ris latus cernimus, idest quod diximus sancto

Gregorio Papæ dicatum esse, & à Paulo

7. Quinto Pontifice maximo, dum Vicarium.

Altare S. Greg.  
olim dicatum.  
Paulus Quint.  
dum Vicarij mu-  
nere fungeretur  
pulcherrimis or-  
navit picturis.

ageret, picturis exornatum, & olim Beatæ  
Virginis appellabant, nimirum quia in suo

Tabernaculo eius Imago adorabatur, sicut  
ex Archiivo. *Tabernaculum, seu Ciborium*

*Beatæ Virginis fecit marmoreum S. P. Q. R. In*

*quo est Imago vetustissima gloriose Virginis à*

*Beato Luca depicta. Posteaquam Pauli Quin-*

*ti Pont. Max. mandato Virginis Imaginem*

*in eius Sacellum transtulerunt, tale Cibo-*

*rium fuit à Capitulo innouatum, & à qua-*

*tuor columnis marmoreis sustinetur,*

*etiam ipsum marmore constru-*

*ctum ad musivi operis si-*

*militudinem, atque*

*auro distinctum;*

*in quo asser-*

*uantur*

*Ie-*

*su Christi cunæ, ve-*

*lut infra inno-*


*tescet.*

*\**

S. P. Q. R. mo-  
strum locis  
in quo olim Sa-  
crificata. Ubi  
papa asseruan-  
tur effigies  
dum curant.




S. GREGORII ALTARE QVOD ANTIQVITVS BEATISSIMÆ VIRGINIS DICEBATVR VNA CVM ANTIQVISSIMO <sup>83</sup>  
CIBORIO EX PVLCHERRIMORVM VARIETATE LAPIDVM MAXIMO CVM ARTIFICIO CONSTRUCTO IN EIVS CIBORII  
MEDIO DOMINI N. IESV XPI CVNA ASSERVATVR.



Scala palmorum 10

S. GREGORII  
ALTARE  
IN QVOD  
CIBORIO  
PRAE  
ALTO  
EST  
ASSERVATVR


UNIVERSITÄT PADERBORN  
BIBLIOTHEK  
PADERBORN



1711

1711

S. GREGORII ALTARE QVOD ANTIQVITVS BEATISSIMÆ VIRGINIS DICEBATVR VNA  
 CVM ANTIQVISSIMO CIBORIO EX PVLCHERRIMOR VARIETATE LAPIDVM MAXIMO, CVM  
 ARTIFICIO CONSTRVCTO, IN EIVS CIBORII MEDIO PER 300 ET AMPLIVS ANNOS VETVSTI  
 SIMA B. LVCAE MANV DEPICTA DEIPARÆ EFFIGIES COLEBATVR.



Scala palmorum

H

Recto Ara cum Ciborio adest, in quo Reliquiae Sanctorum manent, & ad sinistrum maioris Arae latus nititur. licet autem de ipso in veteri descriptione ob antiquitatem dixerimus, tamen cum hodie satis amplificatum cernatur, haud fuit silentio praetereundum. Igitur hoc Ciborium sex Columnis innixum se attollit. & quidem quatuor porphyreticis, reliquis minoribus; albo marmore, & musivo opere est exornatum; atque praeteritis annis à Basilicae Capitulo in meliorem formam redactum. Tale verò ciborium Iacobus Ioannis Capoccij, atque vxor Vinia condidit, velut ex Ciborij latere apparet, in quo idem Beatae Virgini offerunt; & nos delineationem proponimus.


Aram cum ferculo ad sanctorum, asseruandas Reliquias condidit Io. Capoccius cuius Romanus.

IACOBVS IOANNIS CAPOCCII,  
ET VINIA VXOR EIUS FECERVNT  
FIERI HOC OPVS PRO REDEMPTIONE  
ANIMARVM SVARVM, ANNO  
DOMINI M. CC. LVI.

Et in Archiuo: *Tabernaculum, seu Ciborium Reliquiarum marmoreum, & Tessellatum*


A quatuor columnis porphyreticis suffultum, fecerunt, Ioannes Capoccius, & vxor eius Vinia, nobilissimi in Vrbe Ciues, ante annos trecentum. Extant etiam huius familie in hac Basilica duo Sacella. In ciborio hoc sunt Reliquiae Sanctorum, quae in die Resurrectionis solemniter ostenduntur. Et Onuphrius. Tabernaculum, siue ferculum Reliquiarum marmoreum, & tessellatum, quatuor Columnis suffultum, condiderunt Ioannes Capoccius, & vxor eius Vinia nobilissimi in Vrbe Ciues, ante annos trecentum. Quis verò id ferculum, quo Beatissima Virginis Imago clauditur, è nobili marmore factum extruxerit, mihi incompertum est. Atque haec sunt, quae de Sacellis hodie videmus vna cum fundatoribus, maiori Altari excepto, de quo simul cum Ecclesiae benemerentibus inferiorius trademus.

✠





SS. OMNIVM ALTARE CVM MARMOREO VETERE CIBORIO MVSIVO OPERE ARTIFICIOSE CONSTRUCTO  
IN QVO SACRE RELIQVIAE RELIGIOSE COLVNTVR



Scala palmorum H 2